

- 5.4. Мектеп жұмысын жақсартуға бағытталған қызметкерлердің ұсыныстарын уақытында қарастырып, қолдау көрсетуге және көтермелеуге.
- 5.5. Белгіленген мерзімге еңбек ақы беруге, қызметкерлердің еңбек жағдайының сақталуын қамтамасыз етуге.
- 5.6. Оқу және еңбек тәртібін қамту бойынша шара қолдану.
- 5.7. Еңбек туралы заңнаманы сақтауға, оқушылар мен қызметкерлердің еңбек жағдайын жақсартуға, еңбекті қорғау ережелеріне, техникалық қауіпсіздік және санитарлық ережелеріне сәйкес еңбек жағдайын жасауға.
- 5.8. Жарақаттылықтың, қызметкерлер мен оқушылардың кәсіби және басқа ауруларын алдын алу бойынша қажетті шаралар қолдануға.
- 5.9. Ағымдағы жылдың 1- маусымына дейін бекітілген кестеге сәйкес барлық қызметкерлерге уақтылы еңбек демалысын беруге, демалыс немесе мейрам күндері жұмыста болған күні үшін, қажетті ұйымдастыру жұмыстары үшін басқа демалыс күнін беруге.
- 5.10. Педагогтардың және басқа қызметкерлердің біліктілін жүйелі арттыруын қамтамасыз етуге.
- 5.11. Мектеп оқушылары мен қызметкерлеріне ыстық тамақтануды ұйымдастыруға.

VI. ОҚУШЫЛАРДЫҢ МІНДЕТТЕРІ.

- 6.1. Оқушылар мектепке мектеп формасымен келеді:

Қыздарға:

Қара-көк костюм мен белдемше, шалбар, ақ блузка.

Ұлдарға:

қара, көк түсті костюм (пиджак, шалбар).

көгілдір, ақ, сұртүсті (бір түсті) жейде.

Дене шынықтыру, АӨТД сабақтарын оқушылар арнайы форма, киім мен аяқ киім киіп оқиды.

Тыйым салынады:

Бас киім киіп жүруге (хиджабтар, орамалдар, такиялар);

Киімге металдан жасалған әшекейлер, бижутериялар тағуға;

6.2. Оқушылардың мектептегі міндеті:

Ішкі еңбек тәртібінің ережелерін, басқармашылық органдарының шешімі мен мектеп директорының бұйрығын сақтауға;

басқа оқушылардың, мектеп қызметкерлерінің намысы мен абыройын, құқықтарын сыйлауға, олардың қызығушылықтарын шектемеуге, кішіге көмек көрсетуге; тәртіпті болуға, мектепте және мектептен тыс қоғамдық тәртіпті сақтауға;

мектеп формасының талаптарын ұстануға;

оқуға саналы түрде қарауға, сабақтар мен басқа да жұмыстарға уақытында келуге, жұмыс орнында тәртіп сақтауға, сабақты босатқан жағдайда мекемеден ресми құжаттар әкелуге; мектеп мүлкін сақтауға, басқа адамдардың еңбегінің нәтижесіне, отырғызылған көкке ұқыптылықпен қарауға;

электркөзін, суды, басқа материалдарды үнемділікпен жұмсауға ;

Жарғыға жатқызылатын бөлік бойынша, мектеп қызметкерлерінің талаптарын орындауға;